



BORRADOR DA ACTA DA SESIÓN ORDINARIA DO PLENO DO CONCELLO DE VIMIANZO DE DATA 28-02-2020.

Expte: 2020/G010/000002

Na vila de Vimianzo, ás vinte horas do día vinte e oito de febreiro de dous mil vinte, na sala de sesións da Casa do Concello, constitúese en primeira convocatoria o Pleno do Concello ao obxecto de levar a cabo a sesión ordinaria convocada para este día.

Asisten os seguintes membros:

D. Mónica Rodríguez Ordóñez, alcaldesa- presidenta. (PSdeG-PSOE)

Concelleiros/as:

D. Victor Muíño Ramos. (PSdeG-PSOE)
Dna. M^a. José Pose Pérez. (PSdeG-PSOE)
D. Miguel A. Pérez Méndez. (PSdeG-PSOE)
Dna. Rosa Blanco Lema. (PSdeG-PSOE)
D. Mario Andújar Mouzo. (PSdeG-PSOE)
D. Manuel Antelo Pazos. (A.V)
D^a. María Jesús Barbeira Pose. (A.V)
D. Eugenio Vidal Quintáns. (A.V)
D. Francisco Trillo Pazos. (A.V)
D. Francisco M. Calzas Suárez. (PP).

Non asisten xustificado polo portavoz do seu grupo: D^a. Marta Rey Lema (A.V) e D^a. Raquel Rodríguez Amigo (PP).

Secretario Xeral: D. Francisco Javier Novoa Juiz.

Interventora Xeral: Dna. Lourdes Castro Pena.

ORDE DO DÍA:

A) Sección Resolutiva:

1º. Aprobación da acta da sesión ordinaria celebrada o 31 de xaneiro de 2020.

2º. Ditame sobre a modificación de erro material cometido no ditame de aprobación da liquidación definitiva correspondente ao exercicio 2019 do contrato de xestión de servizos municipais de vivenda comunitaria, centro de día, escola infantil e comedor e lavandería sobre rodas.

3º. Ditame para recoñecer a Granxa Trillo, S.C, a bonificación do 95% da cota do ICIO por mor das obras de legalización e ampliación de establo existente, sala de ordeño e obras anexas, así como cambio de cuberta. Expte núm. 2019/X999/000162.

B) Sección de control

4º. Dación de conta de resolucións da Alcaldía-Presidencia.

5º. Dación de conta da liquidación do exercicio 2019.



6º. Mocións de urxencia

7º. Rogos e preguntas.

D. Manuel Antelo excusa á ausencia da súa compañeira por un asunto persoal e por motivos laborais excusa D. Francisco Calzas á súa portavoceira.

A continuación comeza o debate plenario:

1º.- Aprobación das actas da sesión ordinaria celebrada o 31 de xaneiro de 2020.

En cumprimento do disposto no artigo 91.1 do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, a Sra. alcaldesa pregunta se algún membro da Corporación ten que formular algunha observación á citada acta.

Ao non manifestar ningunha observación sobre a mesma, queda aprobada por unanimidade dos presentes, a acta da sesión ordinaria celebrada o 31 de xaneiro de 2020.

2º.- Ditame sobre a modificación de erro material cometido no ditame de aprobación da liquidación definitiva correspondente ao exercicio 2019 do contrato de xestión de servizos municipais de vivenda comunitaria, centro de día, escola infantil e comedor e lavandería sobre rodas.

O Secretario da corporación lee o ditame emitido pola Comisión Especial de Contas celebrada o 25 de febreiro de 2020 que se reproduce a continuación:

"1. Proposta de ditame para modificación de erro material cometido no ditame de aprobación da liquidación definitiva correspondente ao exercicio 2019 do contrato de xestión de servizos municipais de vivenda comunitaria, centro de día, escola infantil e comedor e lavandería sobre rodas.

Dase conta da proposta da Alcaldía de data 18 de febreiro de 2020, que se transcribe literalmente:

"PROPOSTA DA ALCALDÍA

ASUNTO: MODIFICACIÓN DO ACORDO PLENARIO DE DATA 31/01/2020, EN RELACIÓN COA LIQUIDACIÓN ANO 2019 DO CONTRATO DE XESTIÓN DOS SERVIZOS PÚBLICOS MUNICIPAIS DE VIVENDA COMUNITARIA, CENTRO DE DÍA, ESCOLA INFANTIL E COMEDOR E LAVANDERÍA SOBRE RODAS POR ERRO MATERIAL

Visto que no Pleno de data 27/01/2017, se aprobou o expediente de liquidación do ano 2019 do contrato de xestión dos servizos públicos municipais de vivenda comunitaria, centro de día, escola infantil e comedor e lavandería sobre rodas asinado co GRUPO REACTEDA SL.

Detectado un erro na transcripción dos prezos do servizo e praza para o exercicio 2020; en aplicación do artigo 109 da Lei 39/2015, de 1 de outubro, de procedemento administrativo común das Administracións Públicas, que establece que as Administracións Públicas, poderán rectificar en calquera momento os erros materiais, de feito ou aritmético existentes nos seus actos.

Esta Alcaldía propón ao Pleno da Corporación, previo ditame da comisión informativa correspondente, a adopción do seguinte ACORDO:

Primeiro.- *Rectificar o punto cuarto do acordo plenario de data 31/01/2020, no que se aproba o expediente de liquidación do ano 2019 do contrato de xestión dos servizos públicos municipais de vivenda comunitaria, centro de día, escola infantil e comedor e lavandería sobre rodas asinado co GRUPO REACTEDA SL detectado un erro material, quedando o acordo plenario corrixido da seguinte maneira:*



“Cuarto.- Modificar a cláusula sexta do contrato administrativo de xestión de servizos públicos municipais de vivenda comunitaria, escola infantil, centro de día e comedor e lavandería sobre rodas, no relativo os prezos de servizo e praza, que para o exercicio 2020 serán os seguintes:

1. *Vivenda Comunitaria: 1.575,73 euros/mes.*
2. *Escola Infantil: 454,21 euros/mes.*
3. *Comedor sobre rodas: 9,59 euros/menú.*
4. *Lavandería sobre rodas: 4,02 euros/lavado.”*
- 5.

Segundo.- *Dar traslado dunha certificación do presente acordo aos servizos económicos, para o seu coñecemento e efectos oportunos.*

Terceiro.- *Notificar ao interesado.*

*Vimianzo, 18 de febreiro de 2020
A alcaldesa
Mónica Rodríguez Ordoñez.”*

Aberto o turno de intervencións, ningún desexa facer constar nada polo que pásase á votación do asunto.

Sometido o asunto a votación, a Comisión Informativa de Contas, Facenda e Orzamentos, por unanimidade dos membros presentes, por tres votos a favor (2 PSdeG-PSOE e 1 Adiante Vimianzo), 1 abstención do PP e ningún voto en contra, ditaminou favorablemente a proposta de acordo.”

A Alcaldesa-Presidenta explica que é un erro derivado da incompatibilidade do excel co TEDEC co que faian algúns céntimos.

Pásase á Votación do asunto que é aprobado por unanimidade dos presentes.

3º.- *Ditame para recoñecer a Granxa Trillo, S.C, a bonificación do 95% da cota do ICIO por mor das obras de legalización e ampliación de establo existente, sala de ordeño e obras anexas, así como cambio de cuberta. Expte núm. 2019/X999/000162.*

O Secretario da corporación lee o ditame emitido pola Comisión Especial de Contas celebrada o 25 de febreiro de 2020 que se reproduce a continuación:

“2. Proposta de ditame para recoñecer a Granxa Trillo, S.C, a bonificación do 95% da cota do ICIO por mor das obras de legalización e ampliación de establo existente, sala de ordeño e obras anexas, así como cambio de cuberta. Expte núm. 2019/X999/000162.

Dase conta da proposta da Alcaldía de data 19 de febreiro de 2020, que se transcribe literalmente:

“PROPOSTA DE ACORDO

Asunto: bonificación do ICIO a Granxa Trillo, S.C. pola solicitude de licenza municipal en relación ás obras de legalización e ampliación de establo existente, sala de ordeño e obras anexas, así como cambio de cuberta, situadas no lugar de Sansobre, parroquia de Vimianzo

Visto o expediente núm. 2019/X999/000162 promovido por Granxa Trillo, S.C., representada por D.ª María Belén Martínez Bouzón, no que solicita a bonificación do 95 % da cota do Imposto sobre construcións, instalacións e obras (ICIO), en base ao establecido no artigo 6º da ordenanza fiscal reguladora de dito imposto, cuxa actual redacción é a publicada no BOP Nº 61 do 2 de abril de 2018.



Consta no expediente o informe emitido polo tesoureiro accidental, na data do 23 de xaneiro de 2020 e no que se di o seguinte: **“ASUNTO: Informe para bonificación de ICIO en relación ás obras de legalización e ampliación de establo existente, sala de ordeño e obras anexas, así como cambio de cuberta, situadas no lugar de Sansobre, parroquia de Vimianzo, promovidas por GRANXA TRILLO SC, CIF. J15925613 Expte. TEdC 2019/X999/000161**

MANUEL VICENTE ANTELO SANTOS, Tesoureiro accidental do Concello de Vimianzo (A Coruña).

ANTECEDENTES

Expediente sobre **“solicitud de licenza de obras de legalización e ampliación de establo existente, sala de ordeño e obras anexas, así como cambio de cuberta, situadas no lugar de Sansobre, parroquia de Vimianzo promovidas por GRANXA TRILLO SC, CIF. J15925613.**

Providencia da Alcaldía de data 20/01/2020 sobre emisión de informe correspondente en relación á bonificación da cota do ICIO (dirixida aos Servizos económicos).

Ordenanza Fiscal num. 16, reguladora do imposto sobre construcións, instalacións e obras do Concello de Vimianzo (BOP num. 175 do 15 de setembro de 2016 e BOP num. 61 do 2 de abril de 2018):

Artigo 6º.-Bonificacións e deducións

“6.1.- Establécese unha bonificación do 40% da cota do imposto en favor das construcións, instalacións ou obras que sexan declaradas de especial interese ou utilidade municipal por concorrer circunstancias sociais, culturais ou histórico artísticas que xustifiquen tal declaración. Corresponderá dita declaración ó Pleno da Corporación e acordarase, previa solicitude do suxeito pasivo, por voto favorable da maioría simple dos seus membros.

6.2.- **Establécense bonificacións** por concorrer circunstancias de fomento do emprego de ata o 95% da cota do imposto a favor das construcións, instalacións ou obras que se realicen no Parque Empresarial de Vimianzo; **ou que sexan realizadas por agricultores ou gandeiros e que queden afectas a dita actividade durante un prazo de dous anos dende o remate das obras.**

Para ter dereito a esta bonificación alomenos o 30% do orzamento de execución material da construción, instalación ou obra debe ser realizada por empresas con domicilio fiscal en Vimianzo. As bonificacións que se establecen son as seguintes:

a) Cando o suxeito pasivo do imposto teña o domicilio fiscal en Vimianzo, e mais do 50% do seu persoal estea empadroados en Vimianzo, a bonificación será do 95% da cota do imposto.

b) Cando o suxeito pasivo do imposto cree novos postos de traballo (contratos de carácter indefinido con persoas que non tiveran relación laboral co promotor nos últimos seis meses) coa contratación de persoas empadroadas en Vimianzo, a porcentaxe da bonificación determinarase en función do orzamento de execución material e do número de novos postos de traballo creados, de acordo coa seguinte táboa: .../...”

INFORME

PRIMEIRO: Artigo 2º (Ordenanza fiscal num. 16).- Suxeitos pasivos

Suxeito pasivo: GRANXA TRILLO SC CIF. J15925613

Enderezo social: LUGAR SANSOBRE, NUM. 14 15129 VIMIANZO (A Coruña)

Enderezo fiscal: LUGAR SANSOBRE, NUM. 14 15129 VIMIANZO (A Coruña)

(Aporta no expediente copia da Tarxeta de Identificación Fiscal da citada empresa con Código Electrónico de verificación na Axencia Tributaria con número 1D0CA9A0C471C7B1).

Examinado o padrón do IAE ⁽¹⁾ DO CONCELLO DE VIMIANZO EXERCICIO 2019 compróbase que **NON** figura dada de Alta a citada empresa.

SEGUNDO: Artigo 6.2 (Ordenanza fiscal num. 16).- Bonificacións e deducións

A.- Referente a “Bonificación do alomenos do 30% do orzamento de execución material da construción, instalación ou obra debe ser realizada por empresas con enderezo fiscal en Vimianzo”.

Aporta no expediente unha memoria de obras asinada pola Enxeñeira Técnica Agrícola Rosa Mar Otero Baña (Colexiado num. 1807) onde no **punto 8.- Execución da obra** manifesta que “La obra será ejecutada por la empresa CONSTRUCCIONES BLANCO AG SL, identificada fiscalmente por el NIF B-15540826, con domicilio fiscal en el lugar de Brives nº 16 del municipio de Vimianzo – La Coruña.”

Examinado o padrón do IAE DO CONCELLO DE VIMIANZO EXERCICIO 2019 compróbase que:



EMPRESA	CIF.	RESULTADO
Construcciones Blanco AG SL	B15540826	Sí figura. [Epígrafe 501.1 construcción completa, repar. e conservación]

Consecuentemente, CUMPRE o requisito do apartado A.-

B.- Referente a “Cando o suxeito pasivo do imposto teña o enderezo fiscal en Vimianzo, e máis do 50% do seu persoal estea empadroados en Vimianzo, a bonificación será do 95% da cota do imposto”.

Aporta no expediente (escrito RE6790 do 30/12/2019) a relación de traballadores do promotor no que achega un Informe de vida laboral da empresa de data 24/12/2019 – Referencia A1571912000001 Huella 25Z8BZRN e cos datos seguintes:

DNI	NOME E APELIDOS	ENDEREZO
46898195E	JOSE MANUEL LEMA GRILLE	SANSOBRE, 14 15129 .- VIMIANZO

Examinado o Volante de Empadramento individual de data 30/01/2019 que consta no expediente, a citada empresa **CUMPRE a porcentaxe de máis do 50% do persoal empadrado en VIMIANZO** xa que o único traballador da empresa ten enderezo no Concello de Vimianzo e tendo en conta a Ordenanza fiscal num. 16, reguladora do imposto sobre construcións, instalacións e obras do Concello de Vimianzo, especifica taxativamente que **“a) Cando o suxeito pasivo do imposto teña o domicilio fiscal en Vimianzo, e mais do 50% do seu persoal estea empadroados en Vimianzo, a bonificación será do 95% da cota do imposto”**).

C.- Referente a “Cando o suxeito pasivo do imposto cree novos postos de traballo (contratos de carácter indefinido con persoas que non tiveran relación laboral co promotor nos últimos seis meses) coa contratación de persoas empadroadas en Vimianzo .../...”

NON consta documentación algunha ao respecto no expediente.

CONCLUSIÓN

Tendo en contado o exposto anteriormente, a porcentaxe que se lle podería aplicar como bonificación do ICIO no expediente de referencia é de:

A.- “Bonificación do alomenos do 30% do orzamento de execución material da construción, instalación ou obra por ser realizada por empresas con enderezo fiscal en Vimianzo”.

B.- “Bonificación do 95% da coto do imposto cando o suxeito pasivo do imposto teña o enderezo fiscal en Vimianzo, e máis do 50% do seu persoal estea empadroados en Vimianzo”.

En todo caso, este é o meu informe que somete a calquera outro con mellor criterio fundado en dereito.

Non obstante, o órgano competente decidirá o que estime máis oportuno.

E para que así conste, para o expediente da súa razón, asino en Vimianzo o presente informe electronicamente.

O Tesoureiro accidental

⁽¹⁾ **Real Decreto Legislativo 2/2004, de 5 de marzo, por el que se aprueba el texto refundido de la Ley Reguladora de las Haciendas Locales**

Artículo 78 Naturaleza y hecho imponible

1. El Impuesto sobre Actividades Económicas es un tributo directo de carácter real, cuyo hecho imponible está constituido por el mero ejercicio, en territorio nacional, de actividades empresariales, profesionales o artísticas, se ejerzan o no en local determinado y se hallen o no especificadas en las tarifas del impuesto.

2. Se consideran, a los efectos de este impuesto, actividades empresariales las ganaderas, cuando tengan carácter **independiente**, las mineras, industriales, comerciales y de servicios. No tienen, por consiguiente, tal consideración las actividades agrícolas, las ganaderas **dependientes**, las forestales y las pesqueras, no constituyendo hecho imponible por el impuesto ninguna de ellas.

A efectos de lo previsto en el párrafo anterior, tendrá la consideración de ganadería independiente el conjunto de cabezas de ganado que se encuentre comprendido en alguno de los casos siguientes:

a) Que paste o se alimente fundamentalmente en tierras que no sean explotadas agrícola o forestalmente por el dueño del ganado.



- b) El estabulado fuera de las fincas rústicas.
- c) El trashumante o trasterminante.
- d) Aquel que se alimente fundamentalmente con piensos no producidos en la finca en que se críe.”

Considerando que nas obras que se pretende realizar (legalización e ampliación de establo existente, sala de ordeño e obras anexas, así como cambio de cuberta, situadas en Sansobre, parroquia de Vimianzo) concorre un especial interese municipal, por existir circunstancias sociais que determinan a necesidade de que no actual entorno de crise se apoie ao sector primario dalgún xeito, dado o recorte progresivo que se está a producir na marxe de beneficio que deriva das actividades agrícolas e gandeiras.

Tendo en conta ademáis o carácter eminentemente rural do noso concello, e que o sustento de moitas familias deriva das rendas obtidas pola realización deste tipo de actividades.

Esta Alcaldía PROPÓN ao Pleno, previo ditame da Comisión de Contas, Facenda, Orzamento e Asuntos Económicos, a adopción do seguinte ACORDO:

PRIMEIRO.- Recoñecer a Granxa Trillo, S.C., representada por D.^a María Belén Martínez Bouzón, unha bonificación do 95,00 % da cota do ICIO para a legalización e ampliación de establo existente, sala de ordeño e obras anexas, así como cambio de cuberta, situadas no lugar de Sansobre, parroquia de Vimianzo, recoñecendo o especial interese municipal das obras a realizar.

SEGUNDO.- Notificar este acordo ao interesado e dar traslado dunha certificación aos servizos municipais correspondentes para o seu coñecemento e efectos oportunos.

O que asino en Vimianzo
A alcaldesa
Mónica Rodríguez Ordóñez.”

Aberto o turno de intervencións, ninguén desexa facer constar nada polo que pásase á votación do asunto.

Sometido o asunto a votación, a Comisión Informativa de Contas, Facenda e Orzamentos, por unanimidade dos membros presentes, por tres votos a favor (2 PSdeG-PSOE e 1 Adiante Vimianzo), 1 abstención do PP e ningún voto en contra, ditaminou favorablemente a proposta de acordo.”

Os portavoces manifestan o seu apoio.

Pásase á Votación do asunto que é aprobado por unanimidade dos membros da corporación.

B) Sección de control

4º.- Dación de conta de resolucións da Alcaldía-Presidencia.

O Secretario da conta dos números de Decretos adoptados desde o día 29-01-2020, con número 52/2020 ata o día 25-02-2020, con número 201/2020.

5º.- Dación de conta da liquidación do exercicio 2019.

A Interventora da conta dos datos da liquidación do ano 2019.

6º. Mocións de Urgencia:

Dna. María Jesús Barbeira manifesta que o seu grupo presenta como propia a Moción presentada polo BNG no rexistro municipal en relación coa sanidade pública e a atención primaria e hospitalaria e dada a urxencia sanitaria que se inste á consellería autonomía a paralizar os recortes.



A Alcaldesa-Presidente seguindo o criterio de anteriores plenos traslada que comparte o contido da moción e dada a súa importancia comprométese a introducila nun punto ordinario dun primeiro pleno que se celebre xa que logo e menester ter unha sesión o día 10 de marzo para o sorteo dos membros das mesas electorais para as eleccións autonómicas que terán lugar o 5 de abril do presente ano.

Pásase a votación da inclusión da moción para o seu debate e votación obténdose o seguinte resultado:

- Votos a favor: 4 (A.V.).
- Votos en contra: 1 (PP).
- Abstencións: 6 (PSdeG-PSOE)

O Secretario expón que ó non obter a maioría cualificada esixida, maioría absoluta dos membros da corporación, 7, non pode pasar a debate e votación quedando rexeitada.

7º. Rogos e preguntas.

O Sr. Antelo reitera a pregunta realizada noutros plenos ordinarios en relación co custo do alumeadado de nadal xa que dí que o correcto sería contestalo no mesmo pleno ou ben por escrito no seguinte.

Tamén pregunta pola Marquesina de Vilaseco xa que se quitou e se puxeron outras non necesarias.

A Alcaldesa-Presidenta responde en relación cos custos que se lle remitirán por escrito e con exactitud porque non os sabe de memoria e en relación coa marquesina houbo unha reunión con técnicos da Xunta de Galicia para a súa reposición na semana vindeira e se están a realizar obras previas polo concello na zona, asímesmo destaca que hai un déficit de marquesinas e se está a facer un seguimento para instalar entre outras as de Outeiro, Berdoias ou Castrelo.

Non tendo máis asuntos que tratar, sendo as 20:19 horas a Alcaldesa-Presidenta levanta a sesión, e eu como Secretario do Pleno redacto este borrador a reserva dos termos que resulten da súa aprobación, en Vimianzo, a 28 de febreiro de 2020.

A Alcaldesa
Mónica Ródriguez Ordóñez

O Secretario Xeral
Francisco Javier Novoa Juiz